



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net
Curat: **siur Paul Campej**
E-mail: campei.paul@rolmail.net

Calonia:
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C 10.07.2022 - 17.07.2022 - 15. domënia ia por l'ann n. 33

Odëi le proscim

📖 Deut 30, 10–14 | Col 1, 15–20 | Lc 10, 25–37

Dal Vangele do San Lūca:

Te chël tēmp ²⁵orô n maester dla lege mëte Gejù ala proa. Al l'à damanè: Maester, cî mëssi pa fà por davagné la vita eterna? ²⁶Gejù ti à dit: Cî stal pa scrit tla lege? Cî lieste pa dailò? ²⁷Al à respognü: Te desses ti orëi bun al Signur, to Dî, cun döt le cör y dōta l'anima, cun dōta tūa forza y cun düc tū pinsiers, y a to proscim sciöche a té instës. ²⁸Gejù ti à dit: T'as respognü dërt. Fa aladô, y te viaras. ²⁹Le maester dla lege orô iustifiché süa domanda y ti à dit a Gejù: Y chë é pa mi proscim? ³⁰Sön chëra ti à Gejù respognü: N ël ê jü da Ierusalem jö Ièriho y é gnü pié dai ladruns. Ai l'à arobè fora y l'à dramè jö ia por tera; spo s'un ési jüs y l'à lascè dailò mez mort. ³¹Por caje él gnü n prou jö por le medemo tru; al l'à odü y é jü inant. ³²Ince n levit é rové söl post; al l'à odü y é jü inant. ³³Spo él gnü n ël dala Samaria, che ê söl iade. Canch'al l'à odü, àl albü compasciun impara, ³⁴ti é jü pomez, à juté öre y vin sön sües plaies y les à liades sö. Spo l'ál alzè sön so tier da ciaria l'à condüt te na ostaria y à fistidié por ël. ³⁵Le dé do àl trat fora dui denars, ti ai à dè al osti y à dit: Tôletun sura de ël y sce t'adores deplü spo t'al paii canch'i vëgni indò. ³⁶Cî mineste pa: Cal de chisc trëi s'à pa dimostrè sciöche proscim de chël che é gnü pié dai leri? ³⁷Le maester dla lege à respognü: Chël che é stè misericordius impara. Dailò ti à Gejù dit: Spo va y fa ince tö insciö!

Oraziun dl de



Periun! Dî, tö es nosc fin, tö i mostres la löm dla verité a chi che 'inrabesc y te i condüjes indò söl dër tru: dà a düc chi che s'arata cristians la forza de evité ci che é contrar a chësc inom y de fà ci che corespogn ala fede. Do chësc te periunse por nosc Signur Gejù Crist, to Fi, che é Dî y vir y regnëia cun tè tl'unité dl Spirit Sant por düc i secui di secui. – Amen.

📖 Letöres dla 16. domënia ia por l'ann:
Gen 18, 1–10a | Col 1, 24–28 | Lc 10, 38–42

Edema liturgica dai 10.07. ai 17.07.2022

2022	Ora	Mëssa
15^a DOMENIA 10.07 DL ANN <i>oferta por la dlijia</i> <i>(Lautari)</i>	9.30 10.00	<i>Corona</i> Gran Mëssa por la comunité fam. Lois Turnaretscher + Bepo Pedevilla <i>benedisciun dl tëmp</i>
LÖNESC 11.07 <i>s. Benedet da Nursia</i>		<i>degöna Mëssa !</i>
MERTESC 12.07		
MERCUI 13.07	7.30	s. Mëssa + Marianna Sottrovish
JÖBIA 14.07		
VENDRES 15.07 <i>s. Bonaventura</i>	7.30	s. Mëssa ++ Vinzenz y Augustin Paratscha
SABEDA 16.07 <i>s. Maria dl Carmel</i>	18.00	s. Mëssa prefestiva italiano ++ Amalia y Maria Graffonara
16^a DOMENIA 17.07 DL ANN <i>oferta por la dlijia</i>	9.30 10.00 15.30	<i>Corona</i> Gran Mëssa por la comunité fam. Prada <i>benedisciun dl tëmp</i> <i>Bato de Heini Erlacher</i>




Informaziuns y terminns

I oress ti dí **a düc chi da Antermeia n gran dilan** dla bela festa por mi 50 agn da prou. Ai se à dè dè da fa y ara é dè garatada. Ara me restarà por dagnora en bun recort. Dilan! N dilan particular por la scincunda (pelegrinaje a Fatima). Sce i po ince iö injunté na oadanza, spo: che chères porsones che se à destut da jí a Mëssa por gauja dl virus, gniss indô te dlijia! Dilan!

siur Paul

La **Müjiga de Badia adöm al Sorvisc ai Jogn Val Badia** Ves inviëia da gní a ti ciaré al **teater musical "Ujöp da Oies"**, che gnará porté dant sön paladina alaleria, dlungia la dlijia da Oies, **ai 22, 23, 27, 29 y 31 de messé, dales 21:00**. Le toch, scrit da Carlo Suani d'Al Plan cunta dla vita de Ujöp, da söa nasciüda a Oies, i stüdi a Porsenú, la S. Mëssa noela a S. Linert y süa misciun tla Cina. La musiga é de Antonio Rossi da Cortina, la rejia de Valentina Kastlunger y Bernardetta Nagler, la scenografia y i costüms de Ursula Tavella y les coreografies de Anastasia Kostner. Danter müjiga, jobleri, ciantadus y organisaziun él indöt passa 150 porsones dla Valada che fej pert al proiet. Les chertes d'entrada y dötes les informaziuns pon ciagé sot a www.musicaloies.it y al nr. 371 5688564.



Istitut Ladin – Jöbia, 14.07.2022 dales 20.30 a San Martin tl Istitut presentaziun dl proiet “MISTIERS” (films documentars de ca. 8 menüc l’un che mostra sö deplü laurs. I films é gnüs tuc sö tles 5 valades ladines incër le Sela (Val Badia, Gherdëna, Ampëz, Fascia y Fodom). I protagonistis cunta te so lingaz dla uma - le ladin - de so mistier, dles dificoltés y dles sodesfaziuns, dl svilup y di mudamënc te süa profesciun ti agn.

Al famëi de Poz a Lungiarü ti él sciampè döes cioures: na foscia y na rossa. Präibel, sce valgügn les à odüdes, telefonede al famëi 340 80 93 035. Dilan.

L’dotur Eduard Agreiter è demez dai 18.07.22 ai 22.07.2022 y gnará sostituí dala d.sa Mahlkecht.

La doturia Mahlkecht lascia alsavëi che ara é demez tl mëis de agost por motivs familiars. I doturs de sostituziun gnará comunicá plü inant.



„*Va y fá ince tö insciö*“ dij Gejú ala fin dla parabola dl bun samaritan al maester dla lege che ti â damané chi che ê so proscim. Fá avisa insciö por me, dij la figöra dl cör de Gejú rovinada tratan la vera, deache “Idî ne á degönes atres mans co les tües”. Sënza te, porsona, ne él degöna misericordia sön chësta tera, y chi che adora aiüt resta nia odüs dlungia tru.



Im Vertrauen auf unseren Herrn,
der die Spur gezeichnet und
die höchsten Gipfel bezwungen hat,
gehen wir an seiner Hand vorwärts.

Richard J. Foster

Mësses a Rina:	Dom 8.30 Lön Dedol Dedem 19.15 Jöb 7.30 Ven Sab 19.15 Dom 8.30
Mësses a San Martin:	Dom 9.30 Dedol 19.00 Jöb 7.30 Sab 20.00 Dom 9.30

	11.07 - 16.07.2022	Maximilian - Gabriel
	17.07.2022	Karol - Kristel - Kathrin - Magdalena
	16.07.2022	Marlene Winkler
	17.07.2022	Giovanna Rubatscher